

04/07/2005

Mahathir-Sekolah

DR M BIDAS SIKAP GENERASI MUDA TERHADAP SEKOLAH-SEKOLAH

PUTRAJAYA, 4 Julai (Bernama) -- Tun Dr Mahathir Mohamad hari ini menyuarkan kebimbangannya terhadap sikap generasi muda yang kini beranggapan institusi sekolah hanya menyusahkan dan mensia-siakan masa.

Bekas Perdana Menteri itu berkata, sekolah seharusnya menjadi tempat menimba ilmu, menerapkan nilai-nilai murni dan menjalin keakraban di kalangan pelajar.

"Saya berharap generasi baru akan menghargai sekolah mereka sebagai tempat bagi mereka memulakan kehidupan," kata beliau di sini semasa majlis menandatangani perjanjian usahasama bagi pembinaan bangunan milik Persatuan Bekas Pelajar Kolej Sultan Abdul Hamid (Sohaca) di Kelana Jaya.

Di bawah perjanjian yang ditandatangani oleh Sahoca dan Syarikat Rahman Brothers Perumahan Sdn Bhd (SRBP), persatuan itu akan mempunyai sebuah bangunan bernilai RM4.5 juta yang boleh digunakan bagi tujuan komersil.

Dr Mahathir, yang juga presiden Sahoca, menyatakan harapan beliau yang pembinaan bangunan yang telah lama ditunggukan itu akan bermula tidak lama lagi.

"Saya mempunyai tabiat melawat tapak binaan. Jika saya melihat tiada siapa (di tapak pembinaan di Kelana Jaya), ada orang akan menerima padahnya," kata beliau.

Bangunan itu dijadual dilengkapkan pada 2007, tepat pada masa untuk meraikan ulang tahun ke 100 penubuhan Kolej Sultan Abdul Hamid.

Dalam majlis hari ini Sahoca diwakili oleh pengerusi alumni Sahoca Kuala Lumpur dan Selangor, Datuk Syed Abdul Jabbar Shahabudin, sementara SRBP diwakili oleh pengerusi eksekutifnya, Datuk Abdul Rahman Ibrahim.

-- BERNAMA

MAM PR